

諸子集成

補編九

四川人民出版社

● 四川大學古籍整理研究所
中華諸子寶藏編纂委員會

編

中華諸子
寶藏初輯

諸子集成補編九

四川人民出版社
一九九七年·成都

(川)新登字 001 號

責任編輯:張問漁

封面設計:何 華

中華諸子寶藏

諸子集成補編(共 10 冊)

四川大學古籍整理研究所 編
中華諸子寶藏編纂委員會

四川人民出版社出版發行(成都鹽道街 3 號)

新華書店經銷

成都印刷一廠印刷

開本 787×1092mm 1/32 印張 23.75 字數 470 千


1997 年 6 月第 1 版 1997 年 6 月第 1 次印刷

ISBN7-220-03661-2/B·137 印數:1-2000

定價: 660 元(精裝本)
1900 元(豪華本)



ISBN 7-220-03661-2



諸子集成補編(九)目錄

周易參同契分章通真義三卷 (漢)魏伯陽撰(後蜀)彭曉注.....9 | 355

老子想爾注二卷 (漢)張魯等撰 邱進之釋文.....9 | 395

老子化胡經四卷 (相傳晉)王浮撰 李勇先釋文.....9 | 413

黃庭內景玉經注三卷 (晉)無名氏撰(唐)梁丘子注.....9 | 445

黃庭外景玉經注三卷 (晉)無名氏撰(唐)梁丘子注.....9 | 483

真誥二十卷 (南朝梁)陶弘景撰.....9 | 501

十一、雜家類

尸子三卷 (周)尸佼撰(清)汪繼培輯.....9 | 723

戰國縱橫家書 劉淑梅注釋.....9 | 761

太平經鈔辛部卷之八

外八

請問不食而飽年壽久又至于遂存此乃富國存民之道比欲不食先以導命之方居前因以留氣服氣藥之後三日小飢七日微飢十日之外爲小成無感矣已死去就生也服氣藥之後諸食有形之物堅難消者以一食爲度食無形之物節少爲善百日之外可不合名不窮之道名爲助國家養民助天地食主少者爲古多者爲凶全不食亦凶腸胃不通通腸之法一食爲過再食爲增三食爲下四食爲腸張五食飢大起六食大凶惡百疾從此而生至大飢年當死節食十日之後大小腸皆滿終無料也今人病急除去顏色更好無所禁防古者得道老者皆由不食君臣民足以安身心理其職當者足以存財貧者足以度軀君子行之善樂歲凶年不允亡夫人曰有三命而不自知日三食乃生朝不食一命絕晝不食二命絕暮不食三絕絕三日不食九命絕無匿物無寶留此由飢也奸邪大起惡從此始用吾道萬事自理吉歲可以

與利凶年可以存民當當急帶收腸使利行步也

天地之間凡事各自有精神光明上屬天爲星可以察安危天地之性自有格法六甲五行四時節度可以占覆未來之事作救災亂防未然之事臣見君父之衰救之使其更興盛是大功也深知其衰也不救之或反言而去名爲倡訟罪不除也三事臣知其君有失將親凶害而救之使其更無凶害是大功也知而不救名倡凶其罪不除也四事知君理失其要意災害連起而救助其理之是其宜也爲晚事之臣知而不救其罪不除也五事臣知其君年少其賢未能及事而救之助其爲知是其宜也知而不助爲賢反言不及名爲不忠弱其上其罪不除也六事臣知其君老有天期而憂之爲其索殊方大賢之助異策內文令君更得延年是大功也知而不能反言言凶者其過大也七事爲人下知上有危者失理或失忘而共救之衆之是爲大功知而不救自解避而去爲不順忠孝之人罪

皆及其後八事父母有疾占相之知能盡力竭精有以救之知而不救天將大罰九事父母年老且盡爲子者知父母老期將至爲求賢師異方令得丁強孝子之宜也此由食人之食以食歸之而有大功也十事知人凶衰有大害患將至而救之使其更興與其奇方異策內文善事今無復憂苦是爲大功知而不爲有罪不除也夫爲人子見父母有死難而拋去之處樂違苦此乃與禽獸同耳豈可統三才繼天地乎是以聖人出也施教戒勸人爲善斷絕凶惡以救天地之災今三光五行星辰順欽豈徒言哉今天上乃具出文書以化除諸災害以致善是故吾自晚初真人出書也今天上教吾大言勿有教匪也今天地大周更始災害比當消亡無復餘報類故教人拘校古今文集善者以爲洞極之經定善不可復變易也雖聖賢之人不能復致其文辭夫文辭天地陰陽之語也故教訓人君賢者而勸戒之欲今勤行致太平也所以言蔽藏者賢君得而藏於心用於天下育養萬

物而致太平也而歸功於上帝則聖於石室深穴也天生善物必歸之善處如珠玉也必帝王寶之其羸惡之物衆棄之況人爲善而天豈不愛乎帝王豈不重之乎今天上無極之天中無極之天下無極之天旁行無極之天今爲法況三道教氣共議其應天地人之位也乃太平至天悅喜則帝王壽其道神靈祐天地善氣莫不響應道德日至邪僞退諒臣奸冗滅凡臣悉除萬善自來五行和四氣時良其爲政法起於本本者天地之間人象神神象人而各自有陽聚亭部鄉縣善惡所好所疾若各有其本事皆近察察自相短短長得失明於日月故大教其集議賢不肖共平其事故天下州縣鄉里置封仰萬民各隨材作書直言疾苦利害可否致書投於封中長吏更撰上天子令知民好惡賢不肖利害可集議而理之即太平之氣至矣而福國君萬民萬二千物各得所矣封即今縣西也天道有緩有急人事亦然有緩有急天道急即風雨雷電不移時而至人道有急亦趨走

不移時而至急者即以時應天法則上之刺
一通付還本事而有賞罰緩者須八月爲一
日上也天上法如此夫陰陽爲法如此人道
亦如此矣凡人腹中各有天子五氣各有王
者天有五氣地有五位其一氣主行爲王者
主執正凡事居人腹中自名爲心則五臟
之王神之本根一身之至也主執爲善心不
樂爲妄內邪惡也凡人能執善清靜自居外
不妄求端正內自與腹中王者相見謂明能
還觀其心也心則王也相見必爲延命舉事
理矣不得見王者皆邪也不復與王者相通
舉事皆失矣而復早終今太陽德盛欲使天
上天下上無竟下無極旁行八洞外內真神
真精光悉出助帝王治而致上皇洞平之氣
未常見之善人命長萬物無復夭死自究者
而邪神悉消亡天下無復強枉病者豈可聞
乎善哉子之問也天使悉斷邪偽凶惡而出
真事凡圖書各有精神真事有真神邪事有
邪神邪事有善精神惡事有惡精神夫善積
邪之家後必有邪害也善積真文真道之家

後必有度世者也故真偽各精所致也故天
有吉有凶吉則吉精神凶則凶精神地亦有
吉凶吉則吉精神凶則凶精神夫三皇上帝
各有親屬兄弟三王五霸各自有親屬兄弟
小小分別各從其類世與則高世來則下比
若晝夜相隨而起從陰陽開闢到今不止貧
爲小人富爲君子更共相爲使轉相理是天
地親屬也萬物不與其中幾類似之而實非
也天有六甲四時五行剛柔牝牡孟仲季共
爲親屬兄弟而敬事之不失其志以化天下
使爲善主仁義禮智文武更相爲親屬兄弟
夫道與道爲親屬兄弟者凡道乃大合爲一
更相證明轉相生今日身已得道凡道人皆
來親人合心爲一家皆懷善念凡大小不復
相害傷災害悉去無禍殃帝王行之天下興
昌垂拱無爲度世命長吏民行之其理日明
凡道皆出莫不生光道與道爲親屬傳相行
故與道召遠以道求道即以道爲親屬兄弟
尚化如此則天下皆好生惡殺安得有無道
者哉德與德爲親屬兄弟者今日身執大德

以德爲意凡有德之人推謙相事天下德人畢出矣以是爲法安坐無事帝王行之其國富吏民行之無所不理以德召德德自來矣仁與仁爲親屬兄弟者今日身爲仁凡仁者自來相求以仁召仁仁人盡來矣帝王行之天下悉仁矣吏民行之莫不相親所謂仁與仁合爲一家是爲親屬兄弟矣義與義爲親屬兄弟者以義求義今日身已成義凡義之人悉來歸之以義合也帝王行之若樂相半吏民行之生傷半以義求義是爲親屬兄弟矣禮與禮爲親屬兄弟者以禮求禮今日身已成禮矣凡禮之人悉來行者守節生者不安腹中內空虛外使若環趨走跪起無間令矣日短衣物盡單帝王行之愁苦且煩吏民行之職事紛紛丁者力乏老弱傷筋體相親是爲親屬兄弟矣文與文爲親屬兄弟者今日已成文矣以文求文文人悉來至若浮雲中外積之聚若山至誠若少大傷出焉帝王行之以理其事或得或失吏民行之更相期委以相拱害變疾病萬種人日短令以文

相期以文相恐轉相取轉相生此乃文之親屬也武與武爲親屬兄弟今日已成武矣以武召武凡武人悉來聚其氣陽陽其兵煌煌其力皆倍其目皆張其欲怒不得止武鬼居其角取勝而已不復惜其命君子行之其治日凶則吏民行之滅殺人世無有善意理有聚害此即以武生武則武之親屬也辯與辯相爲親屬兄弟者今日已成大辯矣凡有辯之人悉來歸之辯辯相與無有終窮一言爲百言百言爲千言千言爲萬言供往供來口舌云亂無有其實人君行之其政萬端吏民無可置其命以辯求辯是爲親屬兄弟也法律與法律爲親屬兄弟者今日已成法律矣以法律求法律凡天下法律之人皆聚事無大小皆有治凡人無有無罪之人也自生至老一人之身有幾何罪過無有無罪者以此相生人君子之十九強死以此爲理天下大亂不可止也以此論親屬兄弟相求各從其類理亂之本太平之基審此九事可知也天上諸神言好行道者天地道氣出助之好行

德者德氣助之行仁者天與仁氣助之行義者天與義氣助之行禮者天與禮氣助之行文者天與天氣助之行辯者亦辯氣助之行法律者亦法律氣助之天地各以類行神靈也天將助之神靈趨之深思其要意則太平氣立可致矣

請問上善易爲也上惡易爲耶夫陽極爲善陰極爲惡陽極生仙陰極殺物此爲陰陽之極也夫凡民生不能盡力養父母求奇方道術以資父母使懷悵悵而至死復相教善衣食歌舞以樂之是爲大逆之民天豈福之乎天上效凡書文對今天上爲法今天上人不待相期爲猶自有大術也地上亦然今真人宣知之耶自古到今多有是佞臣猾子弄文辭共欺其上慈其君父而得官位無功於天地而食祿天甚疾之地甚惡之天上名之亂紀今天上平氣至欲斷之恐此子復亂理今人積惡多可數而得仕今天災不可數而去也不可詐僞而除也真與僞與天相應不悉以示下古之人試使用之災害悉除即是吾

之真文也與天上法相應可無疑也不言而反曰彰明矣用之而無成功吾通即僞矣亦不言而明矣天上爲法不教巧言乃致成功成事比若向日月而坐俱有光明何以知其熱與清乎去人積迷以何効之主以成功也向日而坐燠也足以知熱向月而坐足以知清吾之真文亦若是矣

天上爲法目視則理陽睨則理陰視則理有形睨則理無形視則理人身睨則理精神以是爲效故能使陰陽悉理則無有失職者也地上亦然爲洞極皇平也今天之出書神之出策符神聖之文聖人造文造經上賢之辭此皆言也故天地神聖上士爲人盡力以言稽年可立天地除災害帝王業用之乃致遊遊而無事上得仙度增年得天意子孫續嗣無有絕也世衰乃更爲大興天下仰命莫不得其天地六方八達絕洞陰陽俱悅天病風雨爲時雷電不作日月更明三光不失度四時五行順行各得其所此神聖善言所致也其功莫不大哉

天上各異自有自然元氣陰陽與吾大相似
各從其俗記吾書辭而行之即太平矣天上
無極之三光各異自有自然元氣陰陽與吾
文相似各從其俗記吾書辭而行之即太平
矣天上中居各異自有自然元氣陰陽與吾
文相似各從其俗記吾書辭而行之即太平
矣天上三光各異自有自然元氣陰陽與吾
文相似各從其俗記吾書辭而行之即太平
矣天上雲氣各異自有自然元氣陰陽與吾
文相似各從其俗記吾書辭而行之即太平
矣。天上音響雷電各異自有自然元氣陰陽
與吾文相似各從其俗記吾書辭而行之即
太平矣天下風雨各異自有自然元氣陰陽
與吾文相似各從其俗記吾書辭而行之即
太平矣天下居中風雲氣各異自有自然元
氣陰陽與吾文相似各從其俗記吾書辭而
行之即太平矣地上之人各異自有自然元
氣陰陽與吾文相似各從其俗記吾書辭而
行之即太平矣地上蛟行各異自有自然元
氣陰陽與吾文相似各從其俗記吾書辭而

行之即太平矣地上草木各異自有自然元
氣陰陽與吾文相似各從其俗記吾書辭而
行之即太平矣地上山阜各異自有自然元
氣陰陽與吾文相似各從其俗記吾書辭而
行之即太平矣地上川谷水澤各異自有自
然元氣陰陽與吾文相似各從其俗記吾書
辭而行之即太平矣地下各異自有自然元
氣陰陽與吾文相似各從其俗記吾書辭而
行之即太平矣地下無極陰陽各異自有自
然元氣陰陽與吾文相似各從其俗記吾書
辭而行之即太平矣五行各異自有自然之
氣陰陽與吾文相似各從其俗記吾書辭而
行之即太平矣四時各異自有自然元氣陰
陽與吾文相似各從其俗記吾書辭而行之
即太平矣六甲十干各異自有自然元氣陰
陽與吾文相似各從其俗記吾書辭而行之
即太平矣六甲十干各異自有自然元氣陰
陽與吾文相似各從其俗記吾書辭而行之
即太平矣六甲十二子各異自有自然元氣
陰陽與吾文相似各從其俗記吾書辭而行之
即太平矣八方各異自有自然元氣陰陽
與吾文相似各從其俗記吾書辭而行之即

太平矣神靈各異自有自然元氣陰陽與吾
丈相以各從其俗記吾善惡音辭而行之即
太平矣如不從其本類教之即大亂矣志之
哉天教吾具出此文以解除天地陰陽帝王
人民萬物之病也凡人民萬物所患若惡當
消去之故教子用法無極以示之乃拘校前
後聖賢神文與凡人俗辭合而大考之後天
地之病都得消除已消除帝王延年無拱無
憂也

天太陽也地太陰也人居中央萬物亦然天
者常下施其氣下流也地者常上求其氣上
合也兩氣交於中央人者居其中爲正也兩
氣者常交用事合於中央乃共生萬物萬物
悉受此二氣以成形成爲情性無此二氣不
能生成也故萬物命繫此二氣二氣交相於
形中故爲善天地知之爲惡天地亦知之故
古者上善德之人乃內獨知天意故常方爲
善也

天識曰復樂者樂復善者善復惡者惡復善
者善復順者順復具者具復道者道復悅者

悅凡所復天地群神亦復之以影樂焉復文
者文復復僞者僞復復辯者辯復復佞者佞
復復武者武復復逆者逆復復凶者凶復復
邪者邪復凡所復悉天地群神之凡吉凶
安危之法在所復已凡人家力強者多畜私
財後反多貧凶何也神人言此乃或多智反
欺不足者或力強反欺弱者或後生反欺老
者皆爲逆故天不久祐之何也然智者當包
養愚者反欺之一逆也力強當養力弱者反
欺之二逆也後生者當養老者反欺之三逆
也與天心不同故後必凶也夫財者天地之
間盈餘物也此若水常流行而相從常謙謙
居其下得多財者謙者多得也故期者天不
祐之矣

從天地陰陽中和三法失道已來天上多餘
算蓄積不施行何也顯聞其意然天之受命
上者百三十謂之陽曆閏餘也其次百二十
謂歲數除紀也其次百歲謂之和曆物紀也
人悉當象是萬年今失三法已來多不竟其
年者餘算一歲一算格在天上人行失天道

無能取者今象吾文爲善行者天上悉且下此算以增之或得度世或延年矣天地

已來帝王專以憂天下不平失職爲憂患也微此無可憂者也天下善人忠臣孝子悉共憂此但行吾文此憂除矣

天上言陽氣大興盛鬼物不得妄行爲害何也夫陽盛者陰必衰故物不得妄行爲害也惟禁之平陽精禁之陽精何以禁之哉夫陽精爲神屬天屬赤主心神乃天之神也精者地之精也鬼者人之鬼也地母也鬼子也子母法同行并施陰道太平氣至陽氣大興天道嚴神道明明則天且使人俱興用之神道用則以降消鬼物之道也神道興與君子同行鬼物道者與小人同行故君子理以公正神亦理公正小人理邪僞鬼物亦理邪僞明於同氣類也今陽道興大兵刃當消滅大獸之故兵積陰氣盛大積陽氣盛陽盛消兵自然感召也人生必因天氣上善者付天中善付於人下善付田畝故上士學而度世中士當理民下士當理田野上士當來雲氣中

士乘車下士當步行此三人各殊職不相妨害上士度世上天爲中和調風雨中士屬縣官當理人下士當理財產各有所職不相妨矣

天上諸學道之爲法也人精求道也已小合於小道見諸神爲小得道門戶未合於中道乃得至於大道至於大道乃能致於真神也小合小道者致小神合於中道者致中神合於大道者致大神大神至乃得度世長存而至此皆有大邪神鬼不欲人度世善惡人致急退而自言變怪真僞相雜當此乃能分別邪正則度世矣

天上名上士從生到終無一惡意乃爲凡人所愛五方人民縣官共賜之遺之中士乃爲隣里所愛隣里共賜之遺之下士無有善心意無可得賜遺但竊取其家私賜遺此天下人批所爲何謂批哉上士純善心意無惡是上陽也中士心意半善是其中陽也下士心意純無善是下陽也故名批批不成實內空無米爲無實信也無信實之人爲之批人上

士得縣官四方賜與其家者言不忘本祖也
中士得四隣賜與其家言不忘父母也下士
反竊取其家財以付傍隣里者當象其耗內
空外實反背其本也皆有害天上言背反其
家家中不和惡由此人夫臣外交其國必空
家人外交其家必空天之咎皆從此起夫安
危起於人腹中神靈見於遠方上下旁行洞
達億萬里可不慎乎

太平道其文約其國富天之命身之寶近出
留心周流天下此文行之國可安家可富

天地格法善者當理惡正者當理邪清者當
理濁不可以惡理善邪理正濁理清此反運
之令盜賊不止奸邪日生乃至大亂各從此
起帝王將任臣必詳其選舉當以天心列宿
合乃敢任之曰者君德也月者臣德也若列
宿不合必不能致太平奸邪生矣

說天地上下中央八達郵亭所本會止舍何
等也作道德而懷疑者取決於此識今天上
有官舍郵亭以候舍等地上有官舍郵亭以
候舍等八表中央皆有之天上官舍舍神仙

人地上官舍舍聖賢人地下官舍舍太陰善
神善鬼八表達近名山大川官舍以舍天地
間精神人仙未能上天者雲中風中以舍北
極星爲官舍郵亭以候聖賢善神有功者道
爲首德爲腹仁爲足而行之天設官舍郵亭
得而居之欲得天力者行道欲得地力者行
德欲得人力者行人此三者無窮之路失此
三者亂之本也不循此三者名逆天故聖人
苞道德行仁過此而言屬萬物之行矣

請問四時之神氣以助理致善除惡何者致
大神何者致中神何者致小神日思月建帝
氣者致大神思相氣者致中神思殺氣者致
小神思月建後老氣者致老物思月建後病
衰氣者致邪鬼思月建後死氣者致純鬼思
月建後破氣者致破殺凶惡咎害也生氣者
屬天屬陽屬前天道以神氣生故斗前六神
皆生後六神屬地屬陰天道以死氣爲鬼爲
物凶咎于欲使後世常謹常信自親自愛神
明精氣不得去離其身則不知老不知死矣
夫神明精氣者隨意念而行不離身形神明

常在則不病不老行不遇邪惡若神明亡病者立死行逢凶惡是大効也人欲不病宜精自守也凡事不過自然自然中無精神凡事皆不成神不過大道與天地之性中無大精神尚皆不成不能自全故天地之道據精神自然而行故凡事大小皆有精神巨者有巨精神小者有小精神各自保養精神故能長存精神鹹則老精神亡則死此自然之分也安可強爭乎凡事安危一在精神故形體爲寡也以氣爲與馬精神爲長吏與衆往來主理也若有形體而無精神若有田宅城郭而無長吏也夫長吏者乃民之司命也忠臣孝子大順之人所宜行也夫人之身而不忠於上不孝其親是負其身戮其刑亡其本也常思善精神集來隨人也思惡精神亦來集人也乃入人腹中隨趨人所思使惛惛不能忘之矣

請問胞中之子不食而取氣在腹中自然之氣已生呼吸陰陽之氣守道力學反自然之氣反自然之氣心若嬰兒即生矣隨呼吸陰

陽之氣即死矣

太平經鈔李部卷之八

太平經鈔士部卷之九

外九

凡人不能相拘故自制命爲不善天將誅之故小人得誅於中人中人得誅於上人上人得誅於大人夫小失法自致危亡夫神靈大小之誅亦若此而不能拘制天當誅之必矣天畏道道畏自然夫天畏道者天以至行道廢不行則天道亂毀天道亂毀則危亡無復法度故自然使天地之道守行道不懈陰陽相傳相付相生也道乃主生道絕萬物不生萬物不生則無世類無可相傳萬物不相生相傳則敗矣何有天地乎天地陰陽乃當相傳相生今絕滅則滅亡故天畏道絕而危亡道畏自然者天道不因自然則不可成也故萬物皆因自然乃成非自然悉難成如使成皆爲詐僞成亦不可久夫天地雖相去遠闊其制命無脫者

請問太平氣俱至欲常以善意去姦惡當何先哉天天地之性半陽半陰陽爲善主賞賜陰爲惡惡者爲刑罰主姦僞貴者多罰罰者少姦猾者多賞者少姦門關所以然者罰者多

刑主殺傷犯法者皆成姦罪人故姦門開姦猾多也陽者主賞賜施與多則德王用事陽與德者主養主生此自然之法也故晝爲陽爲日爲君爲德夜爲陰爲月爲臣爲姦天地之性半善半惡故君子上善以開姦與善者得善與惡者得惡此由若以斗拱斗非斗者自然走以尺拱尺非尺者自然落猶方與圓不相得現與矩不相值縱與橫不相合故陽與必動以類行故火盛乃雷鳴朱雀在其中是以夏雷也冬則藏凡事各因其本乃天道可得而明不緣其類聖賢何從得深知之故從天地開闢已來人之善惡真僞但觀其所行以類求之占其成功善惡得失賢不肖可親矣何須坐爭之手

請問從古至今賢者明者智者辯者力者勇者此六人皆有萬倍之才豈有善惡哉此六人悉有萬倍人之才能其才能要和天地令使凡邪惡害之屬不生育帝王長無憂而壽身能自除其疾病各竟其天年思流凡人此賢明智辯力勇大善有益矣而不能共和天地

使帝王無憂而壽而身有疾病被災不能被去或天半而死與凡人無別此六人無益也但效其成功無復問也成功者是也不成功者非也效事若此深得皇天心意帝王爲之延年命萬物悉治也

請問凡物一時有不生者又有不養者長之不成其大過惡從何來當生而不生者天也當養所不養者地也天地爲萬物之虛野人爲萬物之匠帝王者象天常欲生后妃者象地常欲養大臣者象人常欲思成此三人并力凡物從生到終無有傷也欲象平之道爲法者必當如此矣

請問天道助弱耶助強耶助寡耶助衆耶神人言天道助弱何哉夫弱者道之用也寡者道之要也故北極一星而衆星屬以寡而衆衆也道要一而道屬焉是故國王極寡而天下助而治助寡之効也父母極強反助嬰兒是強助弱之効也上善之人寡而弱不善之人強而衆衆則寡矣強則弱矣故君子求弱不求強求寡不求衆故天道祐之故不與人

爭也而人自爲爭不與人爭強也而人助爲強故不爭而善勝也

分別天道精身與德不諫請問夫道審當樂欲行何爲明効神人言吾受此文於天上諸神諸神言吾聞與陰陽風雨寒暑相應也以是爲大効天樂其道行而人未所信之以乞雨止雨而明効之行太平之道乞請皆應不行太平之道乞請不應明天道至在大平也故萬物不生者失在太陽生而不養者失在太陰養而不成者失在中和故生者父也養者母也成者子也生者道也養者德也成者仁也一物不生一道不開不通一物不養一德不修治一德不成一仁不行欲自知有道德與仁否觀物可自知矣五者帝王君父師欲深自知道德仁優劣但觀此故理之第一善者莫若樂生其次善者樂養其次善者樂施故生者象天養者象地施者象仁此三者天地人_之大綱也過此而下者但備窮乃後用之耳如此天氣自爲平安邪氣自消滅善人自至惡人自去莫不響應也明之者師也謂

先知之稱師會主證而明之自古至今凡大出皆天地也故天地先出之明之者師也故夫文出皆有師行之者縣官也古者帝王承天意受師教力行以除去災害以稱天心得延年益命此之謂也迨之者天^天明之者師行之者帝王此三事者相須而成天不出大師無由得知師不明文帝王無從得知治故天將興帝王必有奇文出明師使教帝王縣官今得延年益壽是祐帝王之明證也凡人民萬物不生生而不養養而不長長而反不成不竟其天年其過安在凡民萬物不生生者天也不養者地也長而不成者人也過在人乎萬物不得時生者君也生而不養者臣也長而不成者民也天與君父主生此太陽之長也生之祖也天不欲生物不得生父不欲施物亦不得生君不欲生物亦不得生故天與君父主生夫君父常念生不樂殺者凡物盡生一念殺者一物死十念殺者十物死百念殺者百物死自此至萬念皆若此矣地母臣承陽之施主長養萬物常念長養之不念一

不長養則一物被傷十念則十物傷百念則百物傷自此至萬乃若此矣是故上古帝王之任臣常求慈仁好長養萬物與爲治中古半慈仁物半傷下古不詳擇臣而任之故萬物悉傷矣其德皇王之言煌煌也帝者爲天地之間作智使不陷於凶惡故稱帝也王者人民萬物歸王之不傷故稱王王者往也君者各安其部界人歸附之而無害故稱君君者號也吏者治也而助上治物使凡民萬物大小不失其治乃得稱吏師者悉解天下辭悉乃得稱大師者所謂能解天下天下文也故得稱皇帝王君師也故皇道爲首帝道爲腹王道爲股吏爲手足師道者繩墨爲法爲則上下相須而立故善治者常念皇道中念帝道下念君吏道常誦大師之法則守其繩墨然後天心可安地意可得四時自順五行不戢三光常明鬼神精氣不害五官五土各得其所盜賊不發帝王岳拱俱稱萬歲天道爲法如此不如吾文誠難哉謹思其意行此二事亦有戒哉